

8

陳高
不日六六

卓行

廟言
年為

天下郡縣設立鄉賢祠以一鄉一邑之中有忠孝
績文學之不朽者既卒皆得請而祀之所謂鄉先生
祭於社之意蓋

盛典也但窮鄉僻壤往往有經明待修而待異日之表
彰苟事實湮沒則久而無徵無以邀

天語之褒獎一十以發潛德之幽光非後人之過歟舊志

無卓行一十以發潛德之幽光非後人之過歟舊志

為一編以俟後之

旌揚庶媿修之士不致終於泯沒云志卓行

永昌府

保山縣

明

符

節

字性善保山人平生耿介寡合常與丁貞友善貞病篤以幼兒並白金百兩託節節受金

密藏於丁室中厚撫其子且教之比長挈金授之對識宛然鄰有嫠婦延於饑寒自縊節救之活令

家人給衣食歷七十年終不見婦面

婦卒治棺槨之著有拉扱堆詩集

蒲夷

嘗為業一日得遺金於路笑

阿

志

日不亡又失金至悉以還之失金者

其償竟不

陳瑞時

號靜菴嘉慶年間歲貢品學兼優善詩文尤工書法平生廉介自持取與不苟雖家居燕

禮鄉里皆奉為楷模焉

王

塚

號植堂道光丙申歲貢性純孝奉事雙親怡色承歡克盡子道貫徹經史訓迪後進遊其

門者甚眾凡歲終遇親鄰貧乏者每暗為饋贈嘗曰積善德於冥冥為子孫長久計耳其為人誠難

見概

王飛鵬

號萬程道光甲辰歲貢敦孝弟性聰慧博學能文持己正直凡遇兄弟有過者必善言規

勸親鄰有爭者必正言排解族里皆敬畏之

趙容恭

字敬亭嘉慶丁卯科舉人事父母以孝聞待兄弟極友愛歷任他即祿豐訓導教士子以

實行為先繼以終養告休

斑衣娛志鄉里咸稱道焉

趙天賜

邑庠彦世居施甸安貧好學事父母以孝聞處兄弟極友愛視聽言動絲毫不苟以舌耕

餬口承歡怡志出於至性時猶逆暴虐有急難者無不多方解救蕩其家產終無吝色鄉里皆稱之

李自美

字錦堂性誠樸敦孝友貿易積累至富城南沙河眾安橋為水冲坍獨力重修行人利焉

咸豐八年猶逆陷永平順甯本郡官紳招募鄉勇

防堵與其胞弟自儒各捐銀一萬兩以助軍需辛酉蔡逆圍城復捐銀一萬兩以賞戰士平生無驕

矜色與人無忤本府彭崧毓表其堂曰金昌完人

其季孫文煥中光緒丙子舉人

登庚辰進士非厚德之報歟

張懋

邑歲貢居城東金雞村性情和易言行篤實舉動以禮鄉人咸楷模之

李維馨

邑庠彦世居金雞村天性樸直持己端方取舍不苟與物無忤鄉人咸欽敬之

程規

邑歲貢字鑑三號鏡吾性純孝博學善書弱冠時其父疾篤侍奉湯藥衣不解帶晝夜罔

懈嘗割股以進父病為之起後父歿哀毀骨立喪
墓盡禮事繼母亦以孝聞教子以義方五子俱成
立其品學為人所欽仰焉

林鶴聞

字遇時天性古樸樂善好施舉鄉飲賓嘗管
玉閣施米濟貧添費三百餘金無吝色復置
百金田送入白衣閣教五子均成名其
持身端嚴絲毫不苟鄉里咸矜式之

華克昌

邑庠彥家貧嗜學性至孝其父晚年嗜酒病
狂而舌耕糊口所得束脩以奉修澹承歡養
志並無疾言遽色教誨生徒以篤
行為先其品行端方為鄉里所重

程宗伊

邑廩生號芝坪秉性孝友勵行清潔辛酉城
陷義不降賊率子隱於城北山中繼邑人李
鳳祥舉義山岡遂與長子和赴山岡代籌恢復計
隨復帶勇攻昔臘賊巢其子和力戰陣亡遂憂憤
而卒其忠義亦可概見矣

張文炳

號著堂邑庠彥秉性孝友持已方正曾修補江邊水石坎一帶道路蒙制軍林文忠公

賜一額曰功襄履坦道光間漢回互鬪彼此猜忌往往得其一言即解其見重於鄉里如是即此可

窺其品概

林岡

字鳳鳴號梧軒奉孀母至孝承歡養志終始岡解喪盡禮哀毀骨立且秉性和易無忤

於人撫育親族無分畛域教子有義方晚年操行益篤為鄉人所稱焉

寸璵

字嘉懷性和平敦孝友親歿遺兩妹皆幼能仰體親志撫育之皆成立中年繇居有勸其

娶者曰恐娶而不賢無以敦手足情也其持已樸實教子以方有古道遺風焉

楊營高

武生永盛鄉人慷慨好施鄉里貧乏有求告者無不周之毫無吝色視以為常同治十年

值地方多故兵戈之際民俱失業米價高昂有逃難至其地者咸濟以升斗全活甚多里人稱之

龍陵廳

本朝

楊毓秀

鎮安人慷慨好施嘗置義田收租濟貧捐修鎮安石橋以及響石箐石路均無所吝焉

張賢

年八十歲父歿有幼弟三人家道極貧賢竭力耕田供母養弟及弟成立所有產業悉均

分惠

騰越廳

明

吳榮

騰衝人嘗與友蘭剛暮歸見一屠兒醉還道中墜二十金榮恐他人得去遣僕守伺擊而

還之

周琮

騰衝人晚行得遺金訪其人還之其人曰此稱貸以完逋賦而出子於獄者遂不勝德祝

而去

吳宗周

字龍川宗堯族兄平易可親端方不苟母張氏守節撫孤壽至九十餘周承順無間後授

四川洪雅教諭丁祖母憂不復仕居

鄉講學善俗所著有禮記集說解

楊茂

字廷秀性質樸好義樂施常歸人遺金代孤甥完婚娶置義田捐棺具人有貸於己者力

不能償即焚其券行事多類此

鄭永生

字壽伯常結廬東山忽鄰婦有私奔者永生不納馳歸抵家已夜家人問故詒之曰偶櫻

疾欲藥益秘之也

童祥

百戶鉉族祖也鉉以優給赴京襲職祥為輔行至涿州鉉病劇體羸不可騎祥以襁負

之抵京晝夜視疾比痊得藥乃市大明律全帖仍
負以歸至家於祖宗前謂鉉曰汝識此書得免刑
憲且不罪
及無辜也

沈

祥

中所人秉性質樸尚義親賢捐資以助弓棺
者多不令人知稱貸未償者焚其券庠生黃

貞元遺寶石於路拾之送於其家貞元始覺又拾
鄉人王厨遺金十兩還之以助其喪沈瀛輓詩有
小市還金人感德西
河遺石士稱賢之句

王

謨

左所人平生質樸尤精於醫四十失偶不復
娶州守陳克侯舉為鄉大賓卒年九十有餘

張

鸞

字振廷為諸生應試雲南有友附寄以金中
道遇寇資囊盡為所劫而此金獨存遂借貸

抵省仍

以原金付之

陳宗器

字心之任靈川丞賦性謙和長
於詩賦修學宮置田以祀祖考

侯 珍 性淡泊教子耕作食力有友人以老母為托珍代嘗湯藥診視其疾

姚 玘 庠生讓貢於從兄安貧友教淡然自足

殷 賢 伯父鎰受世職五十無子賢應襲讓職不居勸娶妾生弟又出貲助仲侄襲祖之職人皆

義之

陳世培 即陳昇之後也陳氏世為騰越指揮明末流寇孫可望據滇其黨楊武至騰迫脅紳士世培之父陳夢熊抗不為屈武怒將杖之世培不忍

父受刑懇以身代竟斃杖下繼而夢熊亦死於賊騰人至今哀之

永平縣

張化鵬

廩生居家孝友處世謙和省費濟貧同馬鼎龍一時申獎

馬鼎龍

庠生苦志讀書荒年賑饑捐金助餉當事旌之

傭作人

失姓名萬歷庚寅年永平民有受值為人傭作者以逾期不赴王人怒而逐之哀求不納

吳

哭而去曰老母無食奈何行味幾倦臥道傍夢一人撫其背曰無傷也某山之原有竹試往搖之可得米以養覺而憶其山舊遊也往搖其竹果得米其米非稻非麥長三倍於稻米煮粥不調為飲潤而甘微

帶香味

季春茂

農民也有士人風憫兩學圯壞願捐貲修葺請於督學郡守檄取至郡為使役苛求諸生

聞而不平茂不訝也郡守白其高誼督學以為義人崇獎馬學宮落成多出其資

潘

旆邑明經任訓導清修自好卒之日無以為殮士林哀之

本朝

楊子殿

歲貢居家孝友好善樂施康熙四十九年首捐濛濛義學田十四段今現存租九石一斗

段桂枝

邑人樂善好施持身方正雍正元年首捐濛濛社倉穀三十石

蘇肇文

生員家貧好施瘞骸放生有竊其猪者被人執以見生生言非已物為掩其亦竊者得釋

歲科遊庠者多出其門所得館金捐置文昌祠香火田一段壽九十八終

吳乾龍

生員年八十七好善樂施捐先農壇藉田一段

楊岱培

生員持躬謹飭會差使過站遺金二百於道為其家人所拾岱培知之即取金白於官本

府宣聞而義之獎曰全跡裴寶

施洪範

字疇九幼失怙事母盡孝建塾置田延師課讀初里人無力讀書今家誦戶絃皆歸義洪

萬

誠

字德輿郡人聰明雋雅孝友兼至處貧而介

潔修整臨財一無所苟嘗有僕忿而自經於鄰家鄰懼訟密懷五十金求息却之鄉人服其介量

馬應祥

字元龍郡人天性誠孝自少勵勤不事遊戲行動舉止皆有律度正德庚子舉鄉薦行業

益修未仕卒

張

松

郡人好行陰德一夕盜入宅見其人不發俟家人睡畢呼出給以銀令其改行又一日村

婦入城至其門婦忽滾撲於地急令婢詢其故即掃內室延入聽其分婉以湯藥調之而去其行事

多類此

莊允文

郡人萬曆壬子副榜授彭水縣教諭署大足縣事後致仕素孝友品行端方崇正十年舉

鄉飲介賓十六年舉

鄉飲大賓壽八十六

張天燭

庠生字竹提減價發班米
又捐銀修河道人皆德之

薛岑

郡人敏慧厚重博通經史應萬歷年歲貢因
父老囑其子繼茂曰祖雖老吾侍膝下可矣

爾宜効於國茂遂出應試歷仕至

貴州御史受兩代誥封並膺恤典

趙之琰

初名千里後改今名郡人中萬歷戊午鄉試
仕至戶部郎中致仕歸遭流寇之亂三拒偽

賊好施濟救饑埋骨建養生院置義田地
不惜重貲收贖被擄女子人感其賢德

張志信

字任之志淳從弟飭躬勵行弘治乙卯登鄉
試署昆明教諭貧而志篤老不倦勤為當時

器重後卒於官平生所造無

忝家聲著有介軒東籬二集

陳一鶴

字內菴郡人中隆慶丁卯鄉試平斗秤樂施
濟嘗讀書光尊寺夜有盜入鶴覺謂之曰無

他物止銀二兩可於窓外接之又有竊其穀者鶴
見而避之蓋不欲識其面也人稱其居家孝友處

世謙和置義田以助鄉鄰設
義地以埋枯骨皆其事實云

辛和國

字卿雲郡人登崇正己卯鄉薦父與赤金十兩令赴春官跪辭曰兒年尚壯事親日短事

君日長堅志不往建社倉周貧乏篤行好學長於詩文與曹石霞作怪石賦石霞為之閣筆後值流寇據滇迫以官逃入山避之詩酒自樂以終其身

陸鏞

客遺金一囊於其門鏞拾歸謂妻曰若坐門內俟有泣過者告我已而客果泣涕至覈如

數即付客客以半謝之固辭客拜祝而去後生八子第六子芸登進士官至御史

辛淳

捐粟濟饑從征交南凡道死者力為塋埋葺學宮置學田鄉黨重之

程章

登萬厯己卯鄉薦高尚不仕直指聞其名親詣廬勸之仕答曰自承至京師萬餘里及入

官或之秦之楚路費不給勢必稱貸非虐民何以償之吾不忍為也直指深敬異之為請於朝授以

都察院司
務職銜

姚泰父

名失考夙有抱負隱居訓蒙言行悉準於法
年九十七乃卒子泰舉成化四年鄉薦仕漢

川學正迎父就養備極其誠未幾引歸
畢志孝養以清白終鄉人稱其世德

本朝

王伯昇

前明崇正間任上林苑監丞致仕歸值兵荒
煮粥賑饑者五年又嘗施藥餌衣棺二十五

年不怠捐貲修縣學吳逆之亂屢
強之仕堅辭不受人尤服其高節

潘允升

郡庠生遭亂破家遂伏處山間未嘗一目官
長繼以歲試入城當事見其衣履敝甚贈以

袍服升悉不受平日
不苟取予大率類此

高楊玉

事親至孝臨財不苟修橋渡以便人行捐
衣糧以救凍餒力行善事當道旌其明